

按摩師四人、按摩工十六人、

隋太醫有按摩師一百二十人、無按摩工、皇朝置之、

按摩生十五人

隋太醫有按摩生一百人、皇朝武德中置三十人、貞觀中減置十五人也、

按摩博士掌教按摩生、以消息導引之法、以除人八疾、一曰風、二曰寒、三曰暑、四曰濕、五曰飢、六曰飽、七曰勞、八曰逸、凡人支節府藏積而疾生、導而宣之、使內疾不留、外邪不入、若損傷折跌者、以法正之、

〔日本書紀〕二十六年十一月庚午朔、百濟國王付還使大別王等獻、中呪禁師造佛工、造寺工六人、遂安置難波大別王寺、

〔日本書紀〕三十五年十二月己亥、賜醫博士務大參德自珍、呪禁博士木素丁武沙宅萬首銀人二十兩、

〔政事要略〕九十五卷、又○醫云、呪禁生、學呪禁解忤持禁之法、獸虎狼毒虫精魅賊盜五兵、不法禁氣為猛、

解忤者、以呪禁法、解衆邪驚忤、故曰解忤也、皆限三年成其業、成之日、並申送太政官、第高下、並待式處分、

〔唐六典〕十四卷、太醫署略○中

呪禁博士掌教呪禁生、以呪禁拔除邪魅之爲厲者、

有道禁出於山居方術之士、有禁呪出於釋氏、以五法神之、一曰存思、二曰禹步、三曰營目、四曰掌決、五曰手印、皆先禁食葷血、齋戒於壇場、以受焉、

〔唐六典〕十一卷、殿中省、呪禁師四人

皇朝初置

〔藤原家傳〕下武智麻呂、藤原左大臣武智麻呂、○中神龜元年、○中六月、遷大納言、○中當此時、呪禁有余

仁軍、韓國連廣足等、